

A1<sup>r</sup>

¶ Dem Furfichtigen Erbern vnd weyßen herrn Hieronymo Esner/ des Rats zu Nuremberg/ meinem gũftigen herrn. Empeüt ich Lazarus Spengler/ derfelben Stat Nũrmburg Ratfchreiber/ mein willig vngelpart dienft. Mich hat die lieb vnd hertzlich zu nayingung/ So ich/ vnd billich trag/ zu dem gloriwirdigen groffen heyligen Hieronymo/ als meinen fonderlich eruelten vñ furgeliebten patron/ bewegt. Das ich mich vor dyfen tagen Souil ich bey weyln/ auß zulaffung der gefchefft meines Ambts/ müeffiger zeyt gehabt/ hab/ vnderftanden/ die befchreibuug oder Tractat/ des heyligen Biſchoffs Eufebij/ von dem leben/ wũrckungen/ vñ lterben/ deffelben heyligen Hieronymi/ anzaigende. Welcher Tractat fonnft auch genandt wirdet/ das Teftament Sancti Hieronymi (Dhweil darein deffelben fant Hieronymus letfte leer/ vnderweyfun gen vñ handlungen/ So er vor feinem tödtlichen abſchayden gewũrckt hat/ gezogen ſind) Auß dē latein in das Teũtſch zubringen. Vnd wiewol ich forcht halben der nachreder/ vnd zuuor meiner myßgũnner/ die mir ſolch mein furnemē/ auß mangel billichs verftands/ zunachtayl zelen möchten/ in ainen zweyfel/ vñ dahyn gefurt pin/ die angefangen vbung ſolichs wercks/ ain zeytlang in rwe zeytellen/ der maynung/ dem ende deffelben nit nachzeuolgen. So hat mich doch die vrfach rechter liebe die allen zweyfel forcht vñ befchwernuß außſchleußt/ mit gewalt geraytzt/ ſolch furnemē befchließlich zuuolftrecken/ wie ich dan gethan hab. Erken mich gleichwol/ auß beywonender vnſchicklikayt nit fur gnũgfam/ die ſcherpff der gũten leer/ in difem Tractat verleibt/ ſo volkōmenlich wie es villeicht bey ettlichen merers verftannds/ mag geacht werden/ zuuerteũtſchen vñ an den tag zupringen. Zu dē/ das ich auch/ das Lateiniſch gezũng in das Teũtſch zutranſferiern/ mit langer vbung/ nit herpracht hab. Damit aber dannocht/ dyſe haylfame vnd gōtliche leer/ mit denen der gedacht Tractat/ ſo vberreichlich gezyrt/ vnd vol Chriſtenlicher vnderweyfun gen/ vermenget ift/ den layen/ vnder denen ſonders zweyfels vil fromer andechtiger perſonen/ vnd groffe liebhaber des heyligen ſancti Hieronymi/ befunden werden/ nit verporgen bleib/ hab ich mich derfelben arbeit auß gũtem grundt/ vnd fouil defter genaygter/ nachdem ich ewr

# A1<sup>v</sup>

---

erberkayt damit meins verfehens/ ain befonder behegliche wolge  
fallen erzayg/ beladen/ vnd die angezaygten beschreibung (wiewol  
nit mit so gezirten Worten/ als sich wol gezimbt/ vnd andere ver  
ftendige zuthun wüßten/ vnd doch vngedert der substanz vñ  
wefenlicheyt desselben/ zu teüflich gemacht. Nit der maynüg/ dar  
auß ainichen rüm zu schöpfen (dhweyl es auch lobs oder rümb  
vnwirdig ist) Sonnder derhalben/ auß furbit der jhenen/ die sich  
der hayflamen darjñ vermengten leeren (wie mein sonderlich ver  
hoffen steet) nit wenig peffern werden/ bey got ewiger vntödtlich  
er belonung zugewarten. Sennde ewr erberkeit solch verteüflichüg  
hiemit zu/ dienstlich vleyß bittend. Jr wöllet die/ als der verft  
dig/ beftigen/ Corrigiern/ endern/ oder in rechte befferung brin  
gen. Vñ ob ir also ainichen fel oder mangel darjnn befunden wúr  
den/ das meinem vnuerstand zumeffen/ vñ mer die gúten leer/ dan  
die person/ des/ so die verteüfcht hat/ bewegen/ wie mir in dem al  
lem/ bey euch/ als meinem sonndern gúntigen herren/ Zu dem ich  
mich auch/ bißhere erzaygten wolthaten nach/ aller vertrewlich  
en gonft verlich/ nit zweyfelt. Das wil ich vmb ewr erberkayt/ mit  
den verpflichten dienften/ wie ich soll verdienen/ vnd mich ewer  
erberkeit/ als meinen genaygten herren vnd frewndt/ wiewol ich  
mich/ vnd billich/ ewr diener erken/ in aller gebúre/ beuolhen ha  
ben.